

تاریخ عثمانی انجمنی

۱ حزیران
۱۳۳۱

پنجمی سنہ
نومبر ۲۲

مجموعہ سی

مرعش والبستانده ذوالقدر [دولنادر] اوغلری حکومتی

(۳۱ نجی نسخه دن مابعد)

علاءالدوله بك بن سليمان بك

اصل اسمی (بوزقورد) اولوب عنوان امارتی علاءالدوله در. شاه بوداق بك بودفنده حکومت مصریهدن طلب معاونت ایلدیسهده تحکیم موقع اقبال خصوصنده کوزنجی بوداقدن صاقینمیان علاءالدوله بك آنچه وبوغجه کچی ایرمغانلرله مصریلیری الیه ایتدیکندن زواللی شاه بوداق (قودیسونلر شاه بوداغک باغی وار، اوزومی یوق یاپراغی وار) ضرب مثلته ماصدق اولان زوکورتلکی جهتیله برشی بجره مدکدن بشقه شامده زندانه آتلدی. شهزاده جم مسئله سندن طولایی سلطان بایزید ثانی ۸۸۷ سنه سنده عثمانلی اودوسنی قومانداسنه آله رق قره مانه کلدیکی صرهده علاءالدوله بك تقییل دست کریم پیوست پادشاهی ایله مشرف اولمش ایدی. جناب پادشاهی (لارنده) ده اقامت واستراحت بیوردقلری مدتیجه علاءالدوله بك شرف مصاحبت پادشاهی ایله مستفیض و بر چوق عطایای سنیه ایلهده مستفید اولدی. شهزاده جمك ردوسه یکمسیله کندیلکنندن سونن نائرة فساد اوزرینه آرتق اردو ایچون برایش قالمدیقندن علاءالدوله بك معززاً مملکته اعاده بیورلدی .

علاءالدوله بك ۸۸۸ سنه سنده عساکرکلیه ایله ملاطیبه یوریدیکنندن سلطنت مصریه طرفندن برای مدافعه حلبده درحال براردو ترتیب و بواردویه مصردن دخی لزومی قدراسرا و افرادسوق و تسمیریب ایلدی. بری طرفدن

سلطان بایزیدك علاءالدوله بلكه معاونت عسكریه ده بولندینی دیوان قاهره به عكس انداز دهشت اولمسیله ۸۸۹ سنه سنده اولکی اردویه تردیفاً مصرده براینکجه اردوها حاضرلهرق همان حلبه کوندرلدی. بناءً علیه علاءالدوله بك ايله مصر لیلر آره سنده سرزده وقوع اولان محاربه ده مصر لیلر تلفات کلیه ویره رك عظیم بر بوزغونلغه اوغرادی. بوندن طولایینی حلب والیسی (وردیش) طولایه بیلدیکی عساكر ايله بالذات علاءالدوله بك اوزرینه کلدیسه ده اولکی مصر اردوسی کبی بوده مرارت هزیمتی طامش وکندیسه حلب امراسندن (ازدمر الاشرقی [۱]) میدان معرکه کینی طولدیران مقتولین مصریه عدادینه قائلش ایدی .

علاءالدوله بوهنکامده دوچار اسارت اولان عینتاب وروم قلعه ویره جك بکلریله دیگر بعض امرای مصریه یی مقیداً استانبوله کوندردیکی کبی اله کچن مصر تیراندازلرینك اللرینك باش پارمقارینی دخی کسدیکندن شودهشتلی خبرایوان دیوان قاهره یی. چین چین چینلاتدی. مصرجه ویریلان قرار ویاپیلان ترتیب موجینجه مشاهیر امرای مصریه دن اولوب ذاتاً حلبده اتخاذ قرارگاه ایتمش اولان سردار (امیر ترمز) ايله امیر مجلس (ازدمر) قومانداسیله حلبدن چیقاریلان ازدمر عشه طوغری حرکتله وقوع بولان بر ساعتك محاربه ده علاءالدوله بك ايله عسکری مغلوب وپیشان اوله رق مصر لیلرک الیه غنائم کثیره ايله برابر بعض عثمانلی سنجاقلری کچدی ، اردو مظفرآ حلبه دوندی [۲] .

سلطنت مصریه عثمانلیرک علاءالدوله بلكه دوام معاونتدن قوشقولانه رق ۸۹۰ تاریخده آنا بك [۳] اوز بك قومانداسیله دولغادر لیلر علیهنه

[۱] ازدمر : اوز دمیر

[۲] تحف الانباء فی تاریخ حلب الشهباء

[۳] آناو بك کله لرندن مرکب ترکیبه بر ترکیب اوله رق (بك بابا) مناسنه

ایسه ده اولوقتک منصب و تشریفات دیوانیه سنجه مدیر امور سلطنت، پادشاه مولاسی دیمکدر .

یگیدن سوق قوت ایچون تدارکاته ابستدار ایلدی. بونک اوزرینه علاءالدین بك آدم ارسالیله برروایته کورده ده بالذات استانبوله کیده رك مصر لیلردن یانه یاقیله شکایت واستزاده لطف وحامیت ایلدیکندن سلطان بایزید ولی حضرتلرینک قلب رحیم ملوکانه لرینی قزانندی . ایش بومرکزده ایکن دیگر طرفدن دخی حلب والیسی اوزدرمر شفاعتیهل قاید بایدن باریشیق دیله دی . آنجق شو منزلا نه مراجعتده نائل امل اوله مدی . وقایدبای جه مشارالیهك بردالده طورمیه جنی طوتومندن آکلاشمغه باشلادیقندن بروجه محرر ترتیب ایلدیکی اوردوی آتابك اوزبك قومانداسیله اوزرینه سوق ایلدی [۱] .

آتابك اوزبك قومانداسیله سوق ایدیلان مصر اردوسنه قارشو دولت علیه عثمانیه طرفندن دخی وزیر اعظم داود پاشا قومانداسیله چیقاریلان اردوی هایون ۸۹۳ تاریخسده آتنه جهتده کی آلا طاغ اتکنده واقع اوج قوی یایلاسنده رکزخیام سطوت ایتمشیدی . اردوگاهده داود پاشایله برلشن علاءالدوله مصر لیلرله چاریشمقندن ایسه ده قره مان اوغللرینک یکنی اولوب قره مان ملکنه وارث ومصر لیلرله طرفدار کیکن طورغود اوغلی محمود بك ایله عونهنسك تشکیلی ده خیرلی اوله جغنی اخطارایتدی ، داوود پاشا بوکا حواله سمع اعتبار ایله وارساق ایلتی حوزة حکومت عثمانیه به ادخال ایلدی . بونک اوزرینه طورغود اوغلی محمود بك تبدیل قیافته وعائله سی خلقیه حلب جهته فرجه یاب فرار اولدی . علاءالدوله بکک بوندن مقصدی تورککک عالنده صوبلی ، صوبلی برهادر اولتی اوزره اونلنمش اولان طورغود اوغلنک شمع اقبالی سوندریمکن عبارت اولسه بیله بومثلورک کندی باشنه دره بکلکی ایتک ایسته می کوچک آسیانک آتیا یکنه سکنه نجییه می اولتی استعدادنده بولنان تورککک عصیت قومیه لرینه رغماً اتحاد ومجبتلرینه وازدیاد قوتلرینه

مانع اولہ جنی جہتلہ علاءالدولہ بکک داود پاشایہ ویردیکی اوکوت
تاریخ نظرندہ جدآ شایان تقدیر وند کیردر .

علاءالدولہ بک ایکیدہ بردہ شخصی، ملکنی ازعاج واضراردن خالی قالمیان
مصر لیلردن آرتق اوصانج کتیر مسیلہ بودنمده طرف دولت عثمانیہ دن استمداد
ایلدیکندن قرہ مان بکک بکیسی یعقوب پاشا بر مقدار عسکرلہ امدادہ مأمور
بیوردی . علاءالدولہ بک مصر لیلرلہ قانلی بر جنک ایدہ رک عسا کر مصریہ
منلوب اولمش ایدی . علاءالدولہ فطرہ بولدقہ بو نامق فکر احتراصندہ
اولدیندن بوزغون مصر عسکرینی کمال شدتلہ تمقیبہ قویولمش وقاچان
دشمنک ایاغنک آلتتہ چوحہ دوشہ منی توصیه ایدن آتالرسوزینی اونوتمش
ایدی . طار بر بوغازدہ بش بیک قدر جنود مصریہ نک بوضو طوتدیفتنہ
بوصرہدہ علاءالدولہ بک واقف اولدینی حالده ہرنہ دنسہ مددرس اولان
عثمانلی عسکرینی خبردار ایتیکسزین صاوشمنسہ مبنی زواللی عثمانلیلر
مصر لیلرک بوضوسنہ دوشہ رک آردہ قانلی بر محاربہ یوز کوستردی .
برچوق عثمانلیلرک بیہودہ یرہ قانی دوکیلہ رک یعقوب پاشا کوچ حال ایلہ
قورتیلہ بیلدی . علاءالدولہ بک حقندہ قلوب عثمانیہدہ یر طوتان ایلک
نقطہ اغرار بو اولدی .

(مابعدی وار)

عارفی